

Juan Carlos Altiren enpresa berriak lau hilabete beteko ditu, eta pilota

enpresari arabarra lehenengo emaitza garrantzitsuak lortzen ari da. Unanuek eta Nagorek, bere enpresako bi pilotarik, jokatu dute lau t'erdiko txapelketaren

JUAN CARLOS ALTI

P I L O T A E N P R E S A R I A

finala larunbatean Gasteizen.

Pilota mundura berrikuntzak ekarri nahi ditu,

frontoietara jende gehiago eramateko. Aldi berean, bere esanetara dauden hamabost pilotariak gertutik jarraitzen ditu.

«Koadro lehiakorra egin nahi dut»

Altiren pilotariak goitik behera nagusitu dira lau t'erdiko txapelketan. Hortaz, ez da harritzekoa finala enpresa honetako bi pilotariren artean jokatzeko. Juan Carlos Altirentzat egun zoriontsuak dira.

■ **Juan Carlos Altiren jokalaria modan daudela esaten da. Zer duzu esateko horren aurrean?**

Egia da, zeren finalerdietan hiru pilotari nire enpresako ki-deak izan baitira, eta horrek poz handia ematen dizu. Gainera, finala nire enpresako bi pilotarik jokatu dutela ikusterakoan oso pozik nagoela esan behar dut.

■ **Zure enpresaren bitartez lortu da pilotak bultzada berria izatea?**

Hori da nire helburua. Egunero koadro lehiakor eta selektiboagoa egin, eta etengabe hobetzea.

■ **Ez duzu fitxaketa berriak egitea baztertzeko?**

Ez. Hasieratik esan nuen nire helburua ahalik eta koadro selektiboena izatea zela. Koadro ona eduki eta oso lehiakorra izatea. Lau t'erdiko txapelketan emaitza ezin hobea eman didala onartu behar dut.

■ **Zer aldatu da pilotaren barnean, udan gertatutako zala-partaren ondoren Altiren enpresako bi pilotari lau t'erdiko finalean egoteko?**

Nik uste diziplina handiagoa dagoela, seriotasun handiagoa eta une honetan ilusio handiagoa dago gora heltzeko. Pilotariak argi dute hori eta gora iristeko ilusioa jartzeaz gainera, lan asko egin behar da. Lanaz ari naizen baldintza fisikoez ari naiz. Pilotariak ez zeuden baldintza fisiko onetan eta nik baldintza onetan egotea exigitzen dut. Ono ez dagoen pilotariak makinatik pasatu beharko du. Analisiak egingo dizkiet pilotariari, eta teknikoak esango dit pilotariak baldintza horiek betetzeko behar duen denbora zein den. Tarte horren ondoren baldintzak ez bada betetzen, beharrezko neurriak hartzeko dago enpresa.

■ **Orduan zuek daramazue denbora guztian pilotarien kontrol medikua?**

Hala da. Esan behar dizut pilotari guztiek ez dutela pasatu, baina pasatuko dute. Badaude batzuk fisikoki oso ongi daudenak eta horiek ez dute behar, baina badaude beste batzuk benetan behar dutenak, eta egin egingo dute. Egiteaz gainera, bete



Lau t'erdiko finalean bere bi pilotari izateak asko poztu du Juan Carlos Altir. EGIN

«Pilotariak % 100ean egon behar du, eta horretarako beste kirolean erabiltzen dituzten bitarteko teknikez baliatuko gara»

egin beharko dute, zeren ezin baitugu pilota beste kirolen atzean utzi. Pilotariak %100ean egon behar du eta, ahal bada, ahalik eta tarte handiengan urteko hamabi hilabeteetan zehar. Ni badakit hori oso zaila dela eta ezin zaio eskatu pertsona bati urte guztian %100ean egotea. Baina saiaturik naiz ahalik eta maila onenean egon daitezen. Horretarako beste kirolean erabiltzen dituzten bitarteko teknikez baliatuko gara.

■ **Zure pilotarien emaitza onak ikusirik, hori hala da atzetik enpresa indartsu bat dutelako?**

Nik ez dut hortaz aritu behar. Baina esan behar dizut nire pi-

lotarien alde egiten dudala nire indar guztiekin, eta ez nago bakarrik zenbait jarrera salatzen, baizik eta laguntzeko kantuan beren errendimendua ahalik eta onena izan dadin. Aldi berean, asko lagunduko diet eta ahal den gehiena eskatuko diet.

■ **Finalerdietan Unanue eta Eugiren artean gertatutakoaren ondoren, pentsatu al duzu neurririk hartzea?**

Gai hori oso argi daukat. Partidu hartan egon ziren jarrera batzuk ez ditut onartuko. Ondoren komunikabideen aurrean egin ziren adierazpen batzuk alegia. Eta esan behar dut ez dutudala onartuko lankide baten aurka egiten diren adierazpenak. Horregatik une honetan barne erregimeneko arautegi bat idazten ari naiz ondoren zigorrak jartzeko. Eta kantuan egiten diren keinu zatarretarako, eta prentsaurrekoetara edo entrenamenduetara berandu iristen direnetarako zigorrak jarriko dira. Profesionalak direnez, uste dut zigor egokiaren ekonomikoa dela. Horregatik ez da inor ere mugituko. Hau horrela da, denak bikain funtzionatu behar duela-

ko eta ez ditut ikusi nahi berriz ere Eibarko frontoian ikusi nituen jarrerak.

■ **Beraz, Eugi eta Unanue zigortuko dituzu?**

Ez. Ez dut atsegin abisatu aurretik zigortzea. Arautegia egin ondoren pilotariari bidalko diet eta ondoren % 100 aplikatzen hasiko naiz. Halaber, ulertzen dut nerbioak eragindako jarrerak izan zirela lehenengo egunekoak.

■ **Etorkizunari begira berrikuntzak egiteko asmoa daukazu?**

Nik uste uneoro eboluzionatzen joan behar dugula, ez da gauza berri bat egitea. Nik uste dut beharrezkoa dela txapelketa asko egotea, pilotarien status-a aldatu behar da baita ere. Zeren zenbait bikote egitea sakrilegioa balitz bezala ikusten baitzen. Gauza horiek guztiak errotik aldatzearen alde nago. Ni prest nago dena berritzeko. Frontoira ikusle gehiago joateko beharrezko urratsak eman behar dira.

■ **Lau hilabete beteko ditu zure enpresa berriak eta ordutik zein izan da zure pozik handiena?**

Dudarik gabe poztasun handiena larunbatean nire enpresako bi pilotarik finala jokatzeko da. Partidu hori izango da nire bizitzan ikusi dudana lasaienetakoa. Batak edo besteak irabazita, nire enpresakoa izango da eta gustora egongo naiz.

■ **Eta dezepzio handiena?**

Enpresa berria sortu nuenetik ez dut dezepziorik izan. Lan handia egin dut eta dezepzioetan pentsatzeko astirik ez dut izan. Gainera, nire mentalitatea guztiz positiboa da, eta alde negatiboak bazter uzten ditut eta ahantzi.

■ **Asegarcerekin dituzun akordioak zein egoeratan daude?**

Nik Asegarcerekin akordio puntualak ditut —gai erreserbatuak direnak— eta beraiekin harreman onak ditut, hori argi dago.

■ **Askotan esan ohi da Altiren enpresa Asegarcerekin barruan dagoela.**

Jendearen iritziak errespetatzen ditut, baina ni enpresa erabat independentea naiz. Argi esaten dut. Asegarcerekin akordio puntualak ditut eta horixe da dena. Enpresa antolatu nuen, guztia bere helburura iristeko eman behar nituen urrats guztiak aurrikusi nituen. Eta egin dudana guztia finkatuta nuen ildotik batere alden du gabe egin dut.

Jon Olaskoaga
DONOSTIA

Lau t'erdiko txapelketaren finalaren ordua aldatu da

Mikel Unanuek eta Jorge Nagorek larunbatean jokatu dute lau t'erdiko txapelketaren finala arratsaldeko 16.30etan hasiko da, eta ez 18.00etan iragarri zen bezala. Gasteizko Ogeta pilotalekuan Espainiako telebistako kamerak egongo dira eta partidua zuzenean eskainiko du La2 kateak. Jaialdi bikaina prestatu dute enpresari eta finalaren ondoren norgehiagoka ikusgarria jokatu da: Titin III.a eta Beloki, Retegi II.a eta Galarza III.aren aurka. Sarrerak salgai jarri dira dagoeneko eta Ogetan bertan finala ikusi nahi dutenek 2.000 eta 4.000 pezetaren artean ordaindu beharko dute.

Gaur egingo da Ogetan finalerako pilota hautaketa

Nagore eta Unanuek gaur arratsaldean hautatuko dituzte larunbateko finalean erabiliko dituzten pilotak. Gizpuzkoarra eta nafarra 17.00etan hasiko dira pilotak probatzen. Unanuek adierazi duenez, ez du uste arazo handirik egongo denik materialarekin. Ogeta frontoiko kanta nahiko azkarra da eta pilota lasaia erabiliko dira Añorgako aurrelariaren iritziz.

Arrasatek galdu egin zuen bere debutean

Sei hilabete t'erdiko lezioaren ondoren Karlos Arrasatek berriz ere partidu bat jokatu zuen joan den astelehenean Gernikan. Goitiarekin batera 30-27 galdu zuen Etxalus eta Elizegiren aurka. Lekeitioko aurrelariak asko nabaritu zuen azken hilabete hauetan zehar kantxetatik kanpo egon izana, eta hasiera batean partidu erraza zirudiena galdu egin zuen azkenean.

Ez dago argi Agerre larunbateko partiduan ariko den

Joxan Agerreri atzo egin behar zioten ekografia Donostian, larunbateko partidua joka dezakeen ikusleko. Asteasuko atzelariak Escobar doktorearen kontsultan pasatu behar zuen atzo arratsaldean proba bat. Giharretako lesiotik osatzen ez bada zortzi egunetan atzera dezake Altuna eta Angel Lekunberriren aurka jokatu behar duen partidua. Bestela Matxinek beste atzelari batekin jokatu beharko du.